

皇明恩命世錄卷之六

四十六代大真人張元吉

正統十年

召見于內庭

命坐賜茶

錫誥授正一嗣教冲虛守素紹祖崇法大真人

人

十一年

召見

賜宴仁智殿

贈父張留綱真人誥

奉

天承運

皇帝制曰朕惟國家之於臣下必推恩及其親者所以重所本也爾張留綱乃正一嗣

教冲虛守素紹祖崇法真人元吉之父宜

承道蔭而不求年今因爾子推恩贈爾為

正一嗣教崇玄養素寂靜真人容爾冥靈

欽承榮命

制誥

正統十一年六月二十二日

之寶

封母高氏為玄君誥

奉

天承運

皇帝制曰妻隨夫榮朝廷之大恩母隨子貴

國家之常典爾贈正一嗣教崇玄養素寂

靜真人張留綱之配乃正一嗣教冲虛守

素紹祖崇法大真人元吉之母守志玄門

以成厥子茲特封為慈惠靜淑玄君服此

榮恩益隆毋道欽哉

制誥

正統十一年六月二十二日

之寶

十二年

禁約族屬人等欺害勅

皇帝勅諭溫靜柔順玄君重氏

朝廷維持道教重在保善懲惡用圖長久

曩者前真人張懋丞沒已命嫡孫張元吉

襲承真人之職以領教事其族屬人等數

加欺害已犯者悉治以法仍命該衙門移

文巡按三司等官敢有仍前玩法欺害者

悉治以罪今賜勅張元吉勉勵進修用承

教事及令道士高縉雲周應瑜為贊教官

彥矩席克中為掌書專一輔助張元吉行

爾玄君係其祖母夙受封命凡一應在家

之事宜早晚訓誨爾孫令勉學修行加意

保佑用臻成立庶為爾宗嗣之福但在外

合行之事令與高縉雲等商確而行務在

至當庶圖長遠果有族屬人等仍前分外

生事謀害爾家者令高縉雲等具實告達

御史三司等官依法拿問奏來治罪不宥

或高縉雲等恃此欺凌爾孫元吉爾亦指

實赴御史三司等官陳告一體拿問爾尤

宜嚴以治家恩以睦族戒飭家人毋侵害

彼衆庶稱朝廷眷待之意亦克永保爾家

欽此故諭

勅命

正統十二年五月二十五日

之寶

書三

十八

頒賜藏經旨

皇帝聖旨朕體

天地保民之心恭成

皇曾祖考之志刊印道藏經典頒賜天下用

廣派傳茲以一歲安奉龍虎山大上清宮

未克供養聽所任道官道士者誦讚揚上

為國家祝釐下與生民祈福務須祗奉守

謹不許縱容開雜之人私借觀玩輕慢褻

瀆致有損壞遺失違者必究治之諭

勅命

正統十二年八月初十日

之寶

十四年

命分獻星辰壇七月

皇后命建保安醮于內庭

景泰元年

命建保安醮于大德觀

二年

勅給部牒一千俾度羽士

三年

書二

十九

命醮于內庭禮畢

賜宴仁智殿

四年

命分獻風雲雷雨壇

命醮于朝天宮

六年

命醮于靈濟宮

錫箬加封正一嗣教冲虛守素紹祖崇法安

恬樂靜玄同大真人掌天下道教事

賜法劍一口特遣中官護送還山

天順元年二月

召見

命建新謝醮于庭

本年

禁諸人私出符籙勅

勅正一嗣教冲虛守素紹祖崇法安恬樂靜

玄同大真人掌天下道教事張元吉

朕惟國家崇獎道教所以微願闡幽視登

庇民而助雍熙太和之盛治也然必本其

源斯能神其法蓋自

祖宗以來清理道教未嘗廢也近聞各處有

假借張真人名色私出符籙惑民取財甚

非道教本源神法之意爾張元吉乃故真

人張懋丞之長孫昔朕在御已命襲祖職

事念爾幼孤恐罹陷害嘗以勅禁約今復

賜勅俾爾親族人等并本山宮觀道士務

要各循禮法崇重敬信不許欺侮侵凌生

事迨有仍前假爾名色私出符籙一體治

以重罪爾宜清心勉學祇承玄範茂闡宗

風毋墜先業尚欽承之母忽故勅

廣運

天順元年七月初一日

之寶

三年

召見

賜宴內庭再

命進太上延禧錄

四年

上御齋宮

召對

加封高氏為太玄君誥

奉

天承運

皇帝制曰朕惟神明之貴國家所崇嗣其教者既有真人之封為之室者復有玄君之

命所以嘉獎玄元之道於無窮也爾慈惠靜淑玄君高氏乃追贈正一嗣教崇玄養素寂靜真人留綱之妻封正一嗣教冲虛守素紹祖崇法安恬樂靜玄同太真人掌天下道教事元吉之母早失所天守節備居撫育孤幼克底成立時惟丕振宗風皆爾之力也茲特加爾為太玄君封號如舊錫之誥命以示褒旌爾尚益勵貞潔以迓景福用昭恩寵欽哉

制誥

天順四年二月初六日

之寶

五年四月

上遣使至山

召赴闕俾醮于

大內玄天祠七月

命就朝天官修祈謝禮受醮禮畢

召對

准奏大赦天下

六年三月

准辭還山抵潞河

上特遣錦衣衛百戶劉昇令以原給符驗外

加撥馬快舡追送

八年

命建禮謝醮于內庭

錫誥加封正一嗣教體玄悟法淵默靜虛闡道弘化妙應大真人

再加封高氏太玄君誥

奉

天承運

皇帝制曰朕惟神明之貴闕玄元之道者國家既褒顯之而又加恩於其親所以重原本而廣孝道於無窮也爾慈惠靜淑太玄君高氏乃正一嗣教體玄悟法淵默靜虛闡道弘化妙應大真人掌天下道教事

書二

廿二

張元吉之母早失所天孀居守節撫育孤幼克振宗風婦道母儀昭于閭閻養茲玄行宜用褒旌茲特又封爾為慈和端惠貞淑太玄君錫之誥命以昭異數爾尚益勵善德迓景福於悠久欽哉

制誥

天順八年七月十二日

之寶

成化元年

上御文華殿召見

賜宴殿中

二年正月

上遣中官以天廡良馬及文錦朱履酒果之屬齎

賜為壽翌日仍

賜宴內庭十一日

命分獻風雲雷雨壇二月

命建昇真醮于大德觀

申禁假造符錄勅

勅正一嗣教體玄悟法淵默靜虛闡道弘化

書二

廿三

妙應大真人張元吉

朕惟道教有護國庇民之功國法有佑善懲惡之典此理勢相資不可缺者也爾先世乃神明之裔代以嫡長相承掌領道教其來久矣迨爾幼孤族屬人欲相侵奪賴

我

先帝聖明特命爾襲授爾祖張懋丞真人之職乃賜勅禁約維持用底安全尚慮事久人頑或生妬害復賜爾勅俾爾親族人等各遵禮法崇重玄教不許越分侵犯及不

許一應無藉之徒假爾名色私出符籙取財有乖道法違者俱治以重罪不饒仍命道士鄧玉玄王紹通為贊教林智茂宋文吉為掌書助爾行事尚體朕至懷恪精玄教茂振宗風為國祝禧為民祈福以副朝廷崇獎之意欽哉故諭

廣運

成化二年三月 日

之寶

三年

上御大善殿

召對

聖語勉以護國保民

特恩更給金鏤正一嗣教大真人府印并玉

印

御書大真人府四字賜懸於府第闕額

錫誥加封正一嗣教體玄崇默悟法通真闡

道弘化輔德佑聖妙應大真人掌天下道

教事仍遣中官秦勤齋

賜蟒衣玉帶之屬

五年

命醮于朝天宮

皇明恩命世錄卷之六

皇明恩命世錄卷之七

四十七代大真人張玄慶

成化十三年

召見

命中使梁芳傳

旨聘成國公朱儀之女為配明年

命親赴南京舉姻仍

賜蟒衣玉帶加撥馬快舡送回山

授大真人誥

奉

天承運

皇帝制曰朕惟玄教聿興惟陰翊於化理宗

風丕闢在精練在勤誠繼嗣續之有人宜

褒頌之無吝爾張玄慶乃神明遙冒福地

高門警敏可嘉靜虛是尚茲當襲爾祖陰

特命為正一嗣教保和養素繼祖守道大

真人領道教事爾其益懋進修率修道範

毋墮立守永祝國瓊則惟爾能欽哉

制誥

成化十三年十二月二十一日